

太上洞真五星秘授經

爾時

元始天尊 於大羅天上白玉京中 黃金闕內承華殿上 與天仙地仙
 水仙等說三元兩曜五星 及羅睺計都二十八宿等真君之號 而言曰
 吾觀見四海之內 九地之人 上至帝王侯伯 下及飛走萬類 山
 河分野臨照之處 禍福應見 不能詳辯 況大地人民多造罪惡 希
 成善因 致九州靈官三元上奏 罪業深重 減祿促壽 速歸下泉
 變種種形狀 永居畜類 今我演此真經 令九地之人 依法尊敬
 獲種種福 俱得延齡 而宣言曰

東方木德真君 主發生萬物 變慘為舒 如世人運炁 逢遇多有福
 慶 宜弘善以迎之 其真君 戴星冠 躡朱履 衣青霞壽鶴之衣
 手執玉簡 懸七星金劍 垂白玉環珮 宜圖形供養 以異花珍果
 淨水名香 燈燭清醴 虔心瞻敬 至心而咒曰
 木星真君 動必懷仁 憫見志願 壽我千春
 西方金德真君 主擎斂萬物 告成功肅 如世人運炁逢遇 多有災
 怪刑獄之咎 宜弘善以迎之 其真君 戴星冠 躡朱履 衣皓鶴白

太上洞真五星秘授經

清微藏書閣

霞之衣 手執玉簡 懸七星金劍 垂白玉環珮 宜圖形供養 以異
 花珍果 淨水名香 燈燭清醴 虔心瞻敬 至心而咒曰

金星真君 禍無常準 蠢動成形 俱希舍忍
 南方火德真君 主長養萬物 燭幽洞微 如世人運炁逢遇 多有災
 厄疾病之尤 宜弘善以迎之 其真君 戴星冠 躡朱履 衣朱霞壽
 鶴之衣 手執玉簡 懸七星金劍 垂白玉環珮 宜圖形供養 以異
 花珍果 淨水名香 燈燭清醴 虔心瞻敬 至心而咒曰

火星真君 主張諸惡 去邪護真 慎勿交錯
 北方水德真君 通利萬物 含真娠靈 如世人運炁逢遇 多有災滯
 劫掠之苦 宜弘善以迎之 其真君 戴星冠 躡朱履 衣玄霞壽鶴
 之衣 手執玉簡 懸七星金劍 垂白玉環珮 宜圖形供養 以異花
 珍果 淨水名香 燈燭清醴 虔心瞻敬 至心而咒曰

水星真君 含育萬類 禍福不差 其功罔匱
 中央土德真君 主四時廣育萬類 成功不愆 如世人運炁逢遇 多
 有憂塞刑律之厄 宜弘善以迎之 其真君 戴星冠 躡朱履 衣黃
 霞壽鶴之衣 手執玉簡 懸七星金劍 垂白玉環珮 宜圖形供養

以異香珍果 淨水名香 燈燭清醴 虔心瞻敬 至心而咒曰
土星真君 陰弘至德 福我蒼生 長躋壽域
太陽真君 主照臨六合 舒和萬彙 如世人運炁逢遇 多有喜慶
宜弘善以迎之 其真君 戴星冠 躡朱履 衣絳紗之衣 手執玉簡
懸七星金劍 垂白玉環珮 宜圖形供養 以異花珍果 淨水名香
燈燭清醴 虔心瞻敬 至心而咒曰
太陽真君 杲杲高邁 萬類仰之 群動是賴
太陰真君 主肅靜八荒 明明輝盛 如世人運炁逢遇 多有慘慘之
憂 宜弘善以迎之 其真君 戴星冠 躡朱履 衣素紗之衣 手執
玉簡 懸七星金劍 垂白玉環珮 宜圖形供養 以異花珍果 淨水
名香 燈燭清醴 虔心瞻敬 至心而咒曰
太陰真君 常弘正道 陰德不愆 福我億兆
羅喉真君 主九天之下一切諸惡 如世人運炁逢遇 多有災厄深重
宜弘善以迎之 其真君 戴星冠 躡朱履 衣純玄之衣 手執玉
簡 懸七星金劍 垂白玉環珮 宜圖形供養 以異花珍果 淨水名
香 燈燭清醴 虔心瞻敬 至心而咒曰

太上洞真五星秘授經

清微藏書閣

羅喉真君 冥冥可畏 好道含弘 可期千歲
計都真君 主九地之上一切罪惡 如世人運炁逢遇 多有厄難困苦
之災 宜弘善以迎之 其真君 戴星冠 躡朱履 衣純玄之衣 手
執玉簡 懸七星金劍 垂白玉環珮 宜圖形供養 以異花珍果 淨
水名香 燈燭清醴 虔心瞻敬 至心而咒曰
計都真君 默默察察 九天之下 護命惡殺
二十八宿真君 主世人榮樂壽苦之數 其真君 俱戴星冠 躡朱履
衣絳紗之衣 手執青玉簡 佩七星寶劍 垂金鐺珠珮 各宜圖形
供養 以異花珍果 淨水名香 燈燭清醴 虔心瞻敬 至心而咒曰
群星飛光 環拱辰極 普天兆民 常蒙至德
天尊言 九地世人 若遇災星臨照之處 但依受此法 無不獲諸福
慶 若三元設醮 建立壇場 誦諸神咒 廣積吉善 為民祈福 三
官上奏 即命真籙延算 俱得長生 天尊敕諸大仙 及九府靈官三
元上奏三官 隨其善惡 速須上奏 我令一切成形 永不墜諸惡類
獲種種福 是時 應諸大仙稽首上奏 願承慈旨 永當奉行

太上洞真五星秘授經竟

天運辛卯年巳月正一天師清微弟子洪鼎堅羅大英恭錄彙編
徐小媛複校

太上洞真五星秘授經

清微藏書閣